

Euskal Herriko



Xare Txapelketa Irekia

Zaharrek nagusi

Larrarte I eta Borthairu txapeldun

Juantxo Larrartek eta Ramuntxo Borthairuk erraz irabazi zuten (40-22) Irurako trinketean atzo jokatu zen Euskal Herriko Lehen Xare Txapelketa irekia. Joxi Lopetegik eta Jose Luis Larrartek osatu bikote gazteak ez zion txapelketan zehar erakutsitako mailari eutsi eta, lehen tantoetan «zaharrei» gogor aurre egin arren, azkenean amore eman behar izan zuten.

I. PETXARROMAN / IRURA

Partiduko lehen tantoetan oso parekatuak ibili ziren gerriko gorrikoak (Larrarte I-Borthairu) eta gerriko berdekoak (Larrarte II-Lopetegi). Horren inguruan, lehen tantoetan gazteak aurre hartu zuten markagailuan (3-1) eta bi bikoteek oso tanto borrokatuak eskaini ondoren gazteak 6-5 jarri ziren markagailuan zaharren aurretik. Publikoak, gainera, lehen momentutik argi adierazi zuen zein zen irabaztea nahi zuen bikotea: hots, gazteak. Aitzitik, dena alde zutela zirudien arren, Larrarte I.ak eta Borthairuk aurki hartu zieten aurrea gazteei (7-6) eta beren aitzinetik aritu ziren jada partidu osoan.

Berehala 6 tantoko aldea lortu zuten Borthairu hazpandarrak eta Larrarte I. Irurarrak osatutako bikoteak (12-6). Haatik, gazteak berriro partiduan sartu ziren eta lau tanto jarraian egin ondo-

ren, berriro markagailua oso parekatu agertzea erdietsi zuten (12-10). Jendea oso ondo ari zen pasatzen, eta nahiz eta joko bikaina ez izan, bi bikoteek meritu handiko hainbat tanto egin zituzten. Hala ere, laster bikote zaharren esperientzia nagusituz joan zen eta ia ohartu ere egin gabe, gazteak gero eta urrunago geratzen hasi ziren haiengandik (26-13). Une horretatik aurrera partiduak ez zuen gerriko gorriaren kolorea besterik izan, eta gazteak erabat atera ziren partidutik. Zaharrek markagailuan zuten aldea handituz joan ziren azken emaitzara iritsi arte (40-22).

Partiduaren klabeetako bat izan zen bikote zaharra serio-tasun handiz aritu zela hasieratik amaiera arte, ezin unetan kontzentrazioa galdu gabe; horretan, hain zuzen ere, huts egin zuen bikote gazteak. Aipatu beharrekoa da, bestalde, jokalarionen saria Larrarte I.ak irabazi zuela.

Partiduaren amaieran, txapelketa babestu duen EGUNKARIAren izenean, Iñaki Uriak txapela ezarri zien irabazleei, eta ondoren sariak banatu zituen lau finalistentzako. Mikel Uzkudun Txapelketako antolatzaileak «oso positibotzat» jo zuen Euskal Herriko lehen Xare Txapelketa Irekia. Uzkudunen ustez, «ohizko bikoteak banatu izanak oso eragin baikorra izan du» txapelketaren azken emaitzean. Izan ere, bere irudiko, horrek oso maila oneko partiduak ikusi ahal izatea egin baitu posible, eta gai-



Iñaki Uriak irabazleei EGUNKARIAren sariak banatzen. ANDER GILLENEA

Gerriko berdearekin

M. OTAMENDI / IRURA

■ Irurako trinketera aurreneko aldiz azaldu ginenok harrituta utzi gintuen detailearekin egin genuen topo atzo Euskal Herriko Xare Txapelketa Irekiaren finalean. Larrarte I eta Borthairuk osatutako bikoteak gerriko gorria zeraman eta Lopetegi eta Larrarte II.ak osatutakoak, ordea, ohiko (geroago ikusiko dugunez, ohikotasun erlatiboa) gerriko urdinaren orde berdea.

Mikel Uzkudun antolatzaileak eman zigun gerriko berdearen azalpena: Espainiako Gerra Zibilaren aurretik jokalariek batek gerriko gorria eramaten zuten eta besteak berdea. Francorenaren ondorioz kendu zuten berdea jokalarien gerrietatik eta urdina

ezarri. Arrazoia, gerriko gorriak eta berdeak, jokalarien elastikoaren zuriarekin batera, osatzen zuten kolore konbinaketa. Nork esan guri jokalariek gaur egun daramaten urdin horrek zer ikusia izango zuenik ikurrinaren debekuarekin, alde batetik, eta francotarren alkandorekin.

Iruran eutsi egin diote ohiturari eta, Iparraldean beti gerriko gorria eta berdea erabili izan dira. Berandu al gabiltza Hegoaldean urdina lurperatu —beste lurperatu zutela hogeitau urte bete-ko dira laster— eta berdea berbera biltzeko? Eta, telebistak zuzenean ematen dituen partiduen kasuan, elastikoak koloretan daramatzaten jokalariek berdin jokatu. Elastiko gorria eta berdea (gaurko urdinaren orde).

Iparraldekoen lehen puntua paletan

ALBERTO BARANDIARAN / IRUNEA

Munduko Kopako zalantza nagusienetakoa atzo argitu zuen Frantziako selekzioak Labrit pilotalekuan: zaila izango da Donibane-Lohizunen paletan lorturiko urrezko domina kentzea. Selekzionatzaileak ez zuen atera bikote titularra —Arrosagarai luzaidarraren partez Naseiet aurrelariak jokatu zuen—, baina Latxageren lana nahikoa izan zen Kiko Casado eta Raul Oroz iruindarrak garaitzeko. Partidua ederra izan zen, bizia eta lehiatua, eta lau jokalariek erakustaldi ederra eman zuten kantxa osoan zehar.

Partidua gogotsu hasi zuten nafarrek eta aurretik joan ziren zazpigarren tantora arte, baina,

pixkanaka, txuriz jantzitakoak jokoan sartu eta elkarrekin eduki moldatzen direla erakutsi zuten ongi asko. Hortik aurrera banaka erori ziren tantoak bikote baten zein bestearen markagailura, eta hogeigarren tantoan oraindik maila handiko jokaldiak ikusi ahal izan ziren. Latxagek ederki eusten zion atzealdeari, eta Casadok bizitasun osoz jokatzen zuen aurrean. Hortik aurrera, nekeak eraginda edo, aurrelari nafarrak hainbat huts egin zuten, eta 21-28 aurreratu ziren Frantziako selekzioak. Bazi-rudien erraz nagusituko zirela, baina berriro hurbildu ziren gorriak, eta 30-31 jarri. Bukaera emozio handikoa izan zen, eta azkenean Naseiet-Latxage nagusitu. Kuba eta Mexikoko se-

lekzioek ostiralean jokatu zuten partidua ikusita —kubatarrek aise nagusitu ziren—, garbi dago Euskal Herrikoek jokatu du dela finala: erritmoa, bizitasuna, jokia, indarra beraiengan dago.

Atzo ere eskuz banakako lehen partidua jokatu zen, eta Haritz Berraondo erraz nagusitu zitzaion Olivier Larretxea Iparraldeko jokariari. Ustekabe galanta izan zen hasieran, Juan Apezetxea goizuetarra baitzen modalitate honetako titularra, baina Luis Mari Alberdik nahia go izan zuen Berraondo gaztea, eta honek ondo bete zuen papera. Zortzigarren tantora arte izan zen partidua, baina hortik aurrera nagusitasun osoa erakutsi zuen gipuzkoarra fisikoki askoz gutxiago zen Larretxearen aurrean.

OSASUNAK berriro porrot (2-0) Real Madriden kontra

Osasunak ez du bururik altxatzen, atzo ere galdu egin zuen Real Madrid B taldearen kontra, 2-0, madrildarren zelaian. Lehen gola oso azkar etorri zen, 10. minutuan, Jose Maria izan zen golegile, eta harrezkero ezin okerrago jokatu zuten gorritxoek. Bigarren gola ere lehen zatian etorri zen, Jose Maria beraren eskutik. Bigarren zatian ere, nahi eta ezin ibili ziren nafarrak, asmatu ezinik.

TANUI maratoni

erdiko errekoraren bila gaur

Moses Tanui keniarra maratoni erdiko munduko errekorra (lehendik ere berea 59.47 denborekin) ontzen saiatuko da gaur Frantziako Montbeliard eta Belfort herrien artean jokatu den distantziako Mundialean. Sasoi onean dago Tanui, baina hilaren 17an nahiko nekatuta bukatu zuen South Shieldeko lasterketa, eta gaur, gainera, ez du goi mailako aurkaririk izango proba bizitzeko.

SANTANAK ez du homosexualik nahi bere selekzioan

Tele Santana Brasileko selekzionatzailea kritika ugari jasotzen ari da herrialde horretako gai erakundeentzako aldetik, hemendik aurrera zuzenduko duen selekzioan «homosexual, bizardun eta ile luzedun» ez duela izango komunikabideei iragarri ondoren. Brasilgo gai erakundeek «handigurakoa eta tiranoa» deitu diote Santanari.

MARADONA garaile itzulerako partiduan

Diego Armando Maradonak garaipenarekin ospatu zuen itzulera. Bere taldeak, Boca Juniors, 1-2 irabazi zion Seulen Hego Koreako selekzioari. 'Pelusa' 15 hilabete egon da lehiaketako partidurik jokatu gabe, baina, sasoi onenean egon ez arren, futbolearen ez zaiola ahaztu erakutsi zuen. Golegileak McAllister eta Sergio Martinez izan ziren argentinarren aldetik eta Ha Son-Chu korearren aldetik.

Iriondo eta Gorostiaga Carlos III.eko finalera

R. O. / DONOSTIA

Jabi Iriondo eta Tito Gorostiaga 45-42 nagusitu zitzaizkien Oscar Insasusti eta Unai Alzibarri Carlos III Pala Txapelketako bigarren finalerdian. Bikote garaileak Ziskar II eta Torrerren kontra jokatu du txapelketako finala heldu den larunbatean. Partiduan zehar Iriondo eta Gorostiaga joan ziren beti aurretik, baina azken aldera Insausti-Alzibarrek 41-41 berdinketa behartu zuten. Alabaina, berriro ere Iriondo eta Gorostiaga aurreratu ziren azkeneko kartoirarte. Inor nabarmenezkotan Iriondo nabarmenduko genuke.